



Ximilana xo horisa



Room to Read





Hluli i gama ro tlhariha no tiya. Hluli u rhandza ku hahahaha enambyeni. U tala ku hahahela ensin'wini ya mavele a karhi a languta swo dya.





N'wana wa Hluli wa vabya.

“N'wana wa mina wa vabya,” ku vula Hluli a tsanile.

Hluli wa vilela hi mavabyi ya n'wana wa yena.

“Xana ndzi nga endla yini?”

Hluli u le ku ehlekteni.



Ndzi ta n'wu yisa eka Mabasa, Mabasa i dokodela ra kahle.

Mabasa i dokodela loyi a nga na ntokoto. U tiva hi mavabyi yo tala.





Dokodela Mabasa u kambela xikukwana.

“Lebyi i vuvabyi bya khombo,” ku vula Mabasa.

“Sweswi ndzi nga endla yini?” ku vutisa Hluli.




“Mahungu lamanene hi leswaku n’wana wa wena u ta hola!

U fanele ku kuma timintsu ta ngoringori.

Ngoringori ri kumeka ensin’wini ya n’wini ya mavele.”





Hluli u hatlisile a hahela ensin'wini.

Loko Hluli a ha hahaha na nsimu, u vonile xin'wana lexi a xi fana na ngoringori.

Loko a ha chika u lemukile leswaku a hi ximilana xona lexi nga fanela.

U yisile emahlweni.



Miyelani n’wanjiya, u phatsamile eribyeni.

“Xana u lava na yini”?

“Rhanga ra ngoringori,” ku vula Hluli.

Miyelani u rhangile ndlela ivi Hluli a n’wi landzela.





“Ariyee! N’wana wa mina u ta hola namuntlha!
Ndzi kumile murhi wa vuvabyi bya yena.”



U sungurile ku koka rhangha hi xikongomelo xo kuma
timintsu. Misava a yi omile swinene naswona u
hatlisile a karhala.



Hluli u kayakayile ku va a koka rhanga ra ngoringori ri huma.

“I nge mina ndzi ku pfuna,” ku vula Miyelani. Hluli a ehleketa leswaku Miyelani i ntsongo swinene ku va a ta pfuna. Hluli na Miyelani va cerile rhanga swin’we.





Hluli u kokile rhangra ra ngoringori hi minwala ya yena leyo tiya.

Buu! Hluli a wela hansi a khomile rhangra hi mavoko ya yena.

Miyelani a hleka.



Hi ku copeta ka tihlo, u pfukile.

Hluli u hahele ekaya hi xihatla a tsakile. U hahele a khomile rhangang evokweni ra yena.





Miyelani u sarile a hlamarile. “Miyelani a nga na ku khensa,” ku vula Miyelani. Kutani a haha.



Hluli u fikele eka Dokodela Mabasa. U swekile rhanga. Loko se ri ta va ri horile, u endlile leswaku n'wana wa yena a ri nwa.





N'wana wa Hluli u nwile murhi hi kan'we kutani a vuya a hola.

N'wana wa Hluli u pfukile a suka eka sangu ra vuvabyi.

U sungurile ku hahahaha hi ntsako.



“Ndzi rivarile ku khensa Miyelani,” ku vula Hluli.
Hluli na n’wana wa yena va hahile va ya ensin’wini
ya mavele. Va kumile Miyelani na ku tlhela va n’wi
khensa.

